

## Тошкент-Душанбе авиарейслари январдан қайта тикланади

---



"Ўзбекистон ҳаво йўллари" Миллий авиакомпанияси Тожикистон пойтахти Душанбе шаҳрига илк парвозни амалга оширди. Бу ҳақда Ўзбекистон Ташқи ишлар вазирлиги матбуот хизмати [хабар тарқатди](#).

Ўзбекистон ва Тожикистон авиацион хукуматлари январдан авиақатновларни қайта тиклаш бўйича келишувга эришди.

30 ноябрь куни Парвозлар хавфсизлигини назорат қилиш давлат инспекцияси раҳбари ўринбосари Олег Лим бошчилигидаги Ўзбекистон делегацияси Душанбега ташриф буюрди. Делегация таркибидан "Ўзбекистон ҳаво йўллари" Миллий авиакомпанияси вакиллари ҳам ўрин олди.

Тожикистон пойтахти аэропорти матбуот хизматининг [хабар килишича](#), Ўзбекистон авиацион хукумати вакиллари "Душанбе" халқаро аэропорти фаолияти билан танишди. Мехмонлар учун перрон, янги халқаро йўловчи терминали, СИР-зал ва парвоз зали бўйлаб экскурсия ташкил этилди.

Тожикистон Транспорт вазирлигига ҳамкорлик ҳамда Тошкент ва Душанбе ўртасида авиақатновларни қайта йўлга қўйиш тўғрисидаги Протокол имзоланган. Биринчи парвознинг 2017 йил январида амалга оширилиши режалаштирилган.

Имзоланган протоколга мувофик, Тожикистон томонидан "Сомон-Эйр", Ўзбекистон томонидан — "Ўзбекистон ҳаво йўллари" ҳафтасига икки маротаба авиарейсларни амалга оширади.

Қайд этиб ўтамиз, икки мамлакат ўртасидаги авиация қатновлари 1992 йилда тўхтатилган эди.